

Lukkupottur er einn, Gullpottur. Fjárhæð hans skal háð þátttöku í happdrættinu og fara stöðugt hækkandi þar til einhver þátttakenda vinnur þá fjárhæð sem hverju sinni hefur safnast þar fyrir.

Í upphafi skal setja 500.000 kr. í Gullpottinn. Þegar fjárhæð Gullpotts hefur unnist og potturinn tæmst skal setja 500.000 kr. í pottinn á ný vegna frekari þátttöku.

4. gr.

10. gr. orðist svo:

Vinningshafar skulu að jafnaði fá vinninga sína greidda úr happdrættisvélinni á sjálfvirkan hátt. Þegar ekki eru nægilega margir peningar í vél til að borga út vinning skal vinningshafi snúa sér til umsjónarmanns vélarinnar sem greiðir vinningshafa það sem upp á vantar.

Þátttakandi sem vinnur lukkupott eða vinningsfjárhæð sem er 50.000 kr. eða hærri skal fá í hendur skriflega staðfestingu þess efnis frá umsjónarmanni. Aðalskrifstofa happdrættisins greiðir síðan vinningshafa vinninginn gegn framvísun staðfestingarinnar.

Allar happdrættisvélnar skulu búnar sérstöku ljósi sem auðveldar vinningshafa að ná sambandi við umsjónarmann vélar.

5. gr.

11. gr. orðist svo:

Aðgangur að happdrættisvélunum skal takmarkaður við þá sem eru 18 ára og eldri.

Umsjónarmaður happdrættisvélnanna á hverjum stað skal halda uppi fullnægjandi eftirliti með aldri þátttakenda.

6. gr.

Reglugerð þessi, sem sett er samkvæmt lögum um happdrætti Háskóla Íslands, nr. 13 13. apríl 1973 sbr. lög nr. 23 5. maí 1986 og lög nr. 77 19. maí 1994, öðlast þegar gildi.

Dóms- og kirkjumálaráðuneytinu, 22. júní 2001.

Sólveig Pétursdóttir.

Ólafur W. Stefánsson.

AUGLÝSING

um útgáfu skrár um viðurkenndar prófgráður frá menntastofnunum landbúnaðarins og inntak þeirra.

Í samræmi við ákvæði 2. mgr. 13. gr. laga nr. 57/1999 um búnaðarfræðslu hefur landbúnaðarráðherra að fengnum tillögum búfræðsluráðs gefið út skrá um viðurkenndar prófgráður á framhalds- og háskólastigi frá menntastofnunum landbúnaðarins og inntak þeirra, sem birtist sem fylgiskjal með auglýsingu þessari.

Auglýsing þessi öðlast þegar gildi.

Landbúnaðarráðuneytinu, 26. júní 2001.

Guðni Ágústsson.

Sigríður Norðmann.

Fylgiskjal.**Skrá
um viðurkenndar prófgráður á framhalds- og háskólastigi
frá menntastofnunum landbúnaðarins og inntak þeirra.****LANDBÚNAÐARHÁSKÓLINN Á HVANNEYRI****Starfsmenntun.**

Búfræðingur. 2 ár til 79 eininga.

Lýsing: Sérhæft undirbúningsnám og starfsnám í búnaðarfræðum.

Nám til fyrstu háskólagráðu.

B.S. próf í búvísindum. 3 ár til 90 eininga.

Lýsing: Almenn grunnnám í búvísindum með nokkra sérhæfingu í búfræði, landnýtingu, umhverfisskipulagi.

Cand. agric. kandidatspróf í búfræði. 4 ár til 120 eininga.

Lýsing: Fagmenntun í búfræði með 30 eininga sérnám og rannsóknþjálfun að loknu 90 eininga námi í búvísindum.

Cand. agric. kandidatspróf í landnýtingu. 4 ár til 120 eininga.

Lýsing: Fagmenntun í landnýtingu með 30 eininga sérnám og rannsóknþjálfun að loknu 90 eininga námi í búvísindum.

Cand. agric. kandidatspróf í umhverfisskipulagi. 4 ár til 120 eininga.

Lýsing: Fagmenntun í umhverfisskipulagi með 30 eininga sérnám og rannsóknþjálfun að loknu 90 eininga námi í búvísindum.

HÓLASKÓLI**Starfsmenntun.**

Hestafræðingur og leiðbeinandi. 9 mánuðir til 45 eininga.

Lýsing: Almenn undirbúningsnám og starfsnám í hrossarækt og reiðmennsku.

Sérhæfð fagmenntun.

Tamningamaður. Diploma í búnaðarfræðum. 9 mánuðir til 30 eininga.

Lýsing: Sérhæft undirbúningsnám og starfsnám í tamningum og þjálfun hrossa.

Reiðkennari og þjálfari. Diploma í búnaðarfræðum. 5 mánuðir til 15 eininga.

Lýsing: Sérhæft undirbúningsnám og starfsnám í keppnisþjálfun hrossa og reiðkennslu.

Fiskeldisfræðingur. Diploma í fiskeldisfræðum. 1 ár til 45 eininga.

Lýsing: Sérhæft undirbúningsnám og starfsnám í fiskeldi.

Diploma í ferðamálafræðum dreifbýlis. 1 ár til 45 eininga.

Lýsing: Sérhæft undirbúningsnám og starfsnám í ferðamálafræðum dreifbýlis.

GARÐYRKJUSKÓLI RÍKISINS**Starfsmenntun.**

Garðyrkjufraeðingur af blómaskreytingabraut. 2 ár til 86 eininga.

Lýsing: Sérhæft starfsnám í blómaskreytingum og meðhöndlun afskorinna blóma og pottaplantna.

Garðyrkjufraeðingur af garðplöntubraut. 3 ár til 132 eininga.

Lýsing: Sérhæft starfsnám í uppeldi, ræktun og fjölgun garð- og skógarplantna.

Garðyrkjufraeðingur af skrúðgarðyrkjubraut. 3 ár til 132 eininga.

Lýsing: Lögfest iðngrein í byggingu garða og viðhaldi þeirra.

Garðyrkjufraeðingur af skógræktarbraut. 3 ár til 132 eininga.

Lýsing: Sérhæft starfsnám á sviði skógræktar.

Garðyrkjufraeðingur af umhverfisbraut. 3 ár til 132 eininga.

Lýsing: Sérhæft starfsnám á sviði umhverfistækni, einkum í framleiðslu og nýtingu moltu.

Garðyrkjufraeðingur af ylræktarbraut. 3 ár til 132 eininga.

Lýsing: Sérhæft starfsnám í uppeldi, ræktun og fjölgun grænmetis, afskorinna blóma og pottaplantna.

Sérhæfð fagmenntun.

Garðyrkjutækniþraeðingur. Diploma í garðyrkjuframleiðslutækni. 9 mánuðir til 30 eininga.

Lýsing: Sérhæft undirbúningsnám og starfsnám í garðyrkjuframleiðslutækni.

REGLUGERÐ**um nám til skipstjórnarréttinda á skipi sem er 30 brúttótonn eða minna.****1. gr.**

Sjómannaskólar sbr. 2. mgr. annast menntun og þjálfun áhafna íslenskra skipa. Starfsgreinaráð um sjávarútvegsgreinar og siglingar gerir tillögur til menntamálaráðherra um námskrár sjómannaskóla að fenginni umsögn Siglingastofnunar Íslands. Menntamálaráðuneytið setur námskrá sjómannaskóla er uppfylli kröfur alþjóðasamninga og Siglingastofnun Íslands hefur eftirlit með að nám í sjómannaskóla uppfylli kröfur alþjóðasamninga.

Sá sem staðist hefur próf og kröfur sem gerðar eru í námi á sjávarútvegsbraut framhaldsskóla, í viðurkenndum einkaskóla eða á námskeiði sem fer eftir aðalnámskrá framhaldsskóla telst hafa lokið námi til réttinda sem skipstjóri í innanlandssiglingum á skipi sem er 30 brúttótonn eða minna skv. 1. mgr. 7. gr. laga nr. 112/1984 um atvinnuréttindi skipstjórnarmanna á íslenskum skipum.

2. gr.

Menntamálaráðuneytið skipar prófdómara til fimm ára í senn að höfðu samráði við Stýrimannaskólann í Reykjavík og starfsgreinaráð í sjávarútvegs- og siglingagreinum. Skulu prófdómarar hafa lokið a.m.k. námi 2. stigs í skipstjórnarfræðum sbr. lög nr. 112/1984 um atvinnuréttindi íslenskra skipstjórnarmanna með síðari breytingum. Menntamálaráðuneytið heldur skrá yfir skipaða prófdómara.